

**LA PROPHETIE MERVEILLEUVSE, CONTENANT AV VRAY LES
CHOSes plus mémorables qui sont à aduenir, depuis ceste année Mil cinq cens quatre
vingts-dix, iusques en l'année Mil cinq cens quatre vingts-dixhuict, lesquelles n'ont este
encor mjs en lu-smière. Là ou il eft declare les miferes & calamitez dont les Affres nous
menacent, tant en ce Royaume de France, qu'Espagne, Italie, Allemagne, Angleterre,
qu'autres lieux, iufques à la Fin du Triangle accomply. Ce qui 'est jà passé fous le règne
du grand Empereur Charlemagne, & maintenant se prépare à nous donner vn Siècle &
Triangle nouveau. Le tout compofe par M. Crefpin Archi- amus, Aftrologue du Roy.
A PARIS, Par Pierre Ménier, demourant près la porte Saint Victor AVEC
PRIVILEGE.**

(99 x 149 mm, sign. A — B4, C2, 20 pp.)

CF. B.N. : 8fi Lb35 334

BENAZRA Pag.127 / CHOMARAT 151

L A
P R O P H E T I E

MERVEILLEUSE, CONTENANT AV VRAY LES CHOSES plus memorables qui sont à advenir, depuis ceste année Mil cinq cens quatre vingts-dix, iusques en l'année Mil cinq cens quatre vingts-dixhuit, lesquelles n'ont esté encor mis en lumiere.

Là ou il est declaré les miseres & calamitez dont les Astres nous menacent, tant en ce Royaume de France, qu'Espagne, Italie, Allemagne, Angleterre, qu'autres lieux, iusques à la fin du Triangle accompli.

Ce qui s'est jà passé sous le regne du grand Empereur Charlemaigne, & maintenant se prepare à nous donner un Siecle & Triangle nouveau.

Le tout composé par M. S. Crespin Archi-astrologue, Astrologue du Roy.




A P A R I S,
Par Pierre Ménier, demourant près la
porte Sainct Victor

AV EC P R I V I L È G E.

Fouëtté d'un fouët diuin, non voulant le voulant
I'ay préchanté ces chants, voilez de couuerture:
Mais le cas aduenü, en fera l'ouuerture,
Qui mieux y pouruoirä, moins en fera dolent.

* Cæca licet fuerit Altrorum alicana refoldo:



Hæc mihi Archidamus clara diuina dedit:



A V TRES-CHRESTIEN
ROY DE FRANCE CHARLES
DE BOURBON X.
de ce nom.



SIRE, sur tous les arts que les gentils & heureux esprits des hommes ont inuentez, les Mathematiques doiuent à bon droit emporter & obtenir le premier lieu: comme esans celles seules à qui appartient le nom de science. Vne partie desquelles est l'Astrologie la plus à admirer & priser: car d'autant qu'elle est plus sublimé & esleuee que nulle des autres, d'autant est elle plus accomplie & parfaite. Icele par sa contemplation repaist & raffaie les ames des humains, les rend celestes & immortelles, comme elle est supernaturelle & diuine. Ceste science d'Astrologie a tousiours esté entretenue par les plus excellentes nations, & peuples plus civilisé & mieux apris du monde. Au contraire reuee par les barbares & idiots, n'entendant les choses qui peuuent rendre les hommes en ceste l'...

terre desja iouyssans de quelque partie de l'immortalité, leurs faisant apparostre les secrets eternels du Dieu eternel: sous lequel & par lequel les Cieux se meuent, les vents soufflent, l'air se trouble ou embellist, la mer est tranquille ou agitée, la terre produit ses fruibz ou les denie, le feu descend çà bas par foudres & orages ou demeure en son siege accoustumé. Les Hebreux (S I R E) depuis le commencement du monde ont eu, sans aucune doute ceste doctrine en singuliere recommandation, comme les plus anciens & mieux instruibz. Apres lesquels ont eu cognoissance de ces arts d'Astronomie les peuples d'Egypte, qui l'ont beaucoup enrichie & ornee. La raison est, pource que demourans en pays plat & habsans une terre de loüque estendue (comme dit Cicéron) à leur veue ne se presentoit une seule montagne qui leur peut empescher la cõtemplation du Ciel. Par ce moyen ils appliquoient du sous leur esprit & estude en la cognoissance des signes celestes. Outre plus les Grecs, les Latins, les Gaulois, les Germains, et Espagnols, brief tout peuple a esté studieux des secrets supernaturels, c'est de cognoistre Dieu, chose decence à un tel Monarque que vous estes, qui aimez les Mathematiques, et fauorisez ceux qui admirent la fabrique de ce grãd ouurier & Architecte de l'uniuers, qui vous doiuent si l'heur que les Astres vous influent. Priant sur ce tres-humblemẽt vostre Maiesté recevoir de bon grẽce miẽ petit labour.

De Paris ce vingtiesme Mars 1589.

Vostre seruisieur tres-humble, & tres-obeysant
Anchoine Cressin Archidamus.



LA PROPHEETIE MER-
VEILLEUSE, CONTENANT
au vray les choses plus memo-
rables qui sont à aduenir, depuis
ceste annee, Mil cinq cens quatre
vingts-dix , iusques en l'annee
Mil cinq cens quatre vingts-dix-
huiet, lesquelles n'ont encor esté
mises en lumiere.

Et premietement pour ceste presente Annee,
Mil cinq cens quatre vingts-dix.

*Palais se cache & fait place à Mauors,
Et sous ses pieés ferre & tremble la terre
Un grand en Court sera achors setté
Et frost & chaud feront un grand tonnerre.*



'E s t annee apporte infi-
nies necessitez, querelles
& ennuits aux vieillards
belliqueux & aux mar-
chands : excite diuerses
maladies, cōme toux, hydropisies, para-

lisies, gouttes & catherres, debats entre les voisins, mesmes entre les plus proches parens, cōme le pere cōtre les enfans: & les filles contre les meres, nous signifie aussi rebelliōs de seruiteurs cōtre leurs maistres. Plusieurs monopoles se ferōt en secret, plusieurs entreprises se commēceront à descouurir, iusques à vouloir tuer & massacrer, Gardes l'Espagne & Italie, empoisonnemens de Princes & grands seigneurs tuez ou empoisonnez deuant que soit la fin de l'annee: Et est la cōspiration cōmencee dēs l'an mil cinq cēs quatre vingts-sept. Il se fera vn grand preparatif de guerre costé de Septentrion, & soubs couerture de quelque grand' Dame veufue, ou par la venue d'vn cruel ennemy. Finalement est signifié la mort d'vn Prince seculier & d'vn Prelat fort ancien, mais fin & rusé à l'aduenant. L'Esté & l'Automne participeront de la seicheresse & de l'humidité: l'Hyuer seraussi en partie moderé, doux & amiable. Nous signifie aussi la Planette de Mercure estre le temps plus enclin

7
à obscurité muable, vents & humiditez. Les fontaines commenceront à faillir. Grand nombre de peuple s'enfuyra de frayeur, & nul ne les poursuyura, puis retournez en leurs maisons, seront surprins.

Pour l'Annee Mil cinq cens
quatre vingts-vnze.

*Venus isuist du bien de son attente,
Mais peu long temps: car enuie & rancune
Regneront lors que la fauce fortune
Mettra sa Nef en vne grande tourmente.*



L'AN mil cinq cens quatre
vingts vnze, au mois de
May, se fera vne grande
conionction des plus hau-
tes Planettes en la dernie-
re face du signe des Poissons, à laquelle
succedera l'annee ensuyuant, Mil cinq
cens quatre-vingts douze, vne assem-
blee de toutes les Planettes au signe du
Mouton, vers la fin du moys de Mars,
& le commencement du moys d'Auril,
puis quelque peu apres sera veu vne

Eclipse de Soleil au vingtiesme degré
 du Taureau, enuiron la teste d'Algol,
 Estoille fixé violente & pernitiouse, en
 laquelle Venus dominera, accôpagnée
 de cinq autres Planettes, au signe du
 Moutó, & s'acheminera vers la maison
 douziesme, par telle situation d'Astres
 qu'il se faict en signe ignee. Le ne pro-
 gnostique l'apparition d'une Comette,
 de laquelle plusieurs effects esmerueil-
 lables & prodigieux sortiront, surquoy
 i'exhorte vn chacun à diligéement veil-
 ler & à esleuer son esprit à Dieu, de peur
 que nous ne soyôs pris au despoutueu.
 Car ceste grande conionction est la
 derniere aduenante sur la fin du Trian-
 gle aquatique, qui finira quant elle se
 changera en Triangle ignee, auquel les
 grandes conionctions des plus hautes
 Planettes qui viendront puis apres, les-
 quelles se feront en signes ignee ius-
 ques à ce qu'apres que deux cens ans
 soiét expirez: Apres lequel temps suc-
 cederont les grandes conionctions en
 signes terrestres, puis en aërez, & fina-
 lément encores en aquatiques: sans
 toutesfois qu'il se face dedans huict
 cens

cens ans vn autre Triangle aquatique: Car il est vray semblable que ceste quatriesme Monarchie finira enuiron la fin de ce Triangle aquatique, comme ainsi soit qu'elle ait commencé en vn téps semblable, & que nostre Seigneur IESVS CHRIST ait pris nature humaine en mesme saison, entendu que six ans auant la glorieuse Natiuité se fit vne semblable conionction de Planettes en l'extremité du signe des poissons, & au commencement du signe du Mouton. Depuis quelque temps n'en a esté vne semblable, sinon durât l'Empire du Roy Charlemaigne, l'an sept cens octant neuf, & celle qui maintenant se presente à aduenir ey apres, laquelle indubitablement nous sera significatiue du second aduenement du fils de Dieu en sa maiesté & gloire; auquel il sera necessaire qu'vn chacun réde compte de ce qu'il aura fait durant sa vie. Pource l'admonnestet tout homme de bien & craignant Dieu de ne cōtemner odieusement les signes desquels ie l'aduertis, & qui luy doiuent seruir d'esguillon à penitence. Car si telle cō-

ionction de Planettes ne fust significativa-
 tiue de la fin du monde sous l'Empe-
 reur Charlemagne, ce n'est pas à dire
 qu'elle ne soit, quand elle aduendra
 és Annees suyantes, pource que du
 temps de ce grand Empereur il y a-
 uoit encores cinq mil ans accomplis
 depuis le commencement du monde.
 Les Prophetes ont prescrit au monde:
 duquel toutesfois le Fils de Dieu à
 quelque peu retranché, quand il a dit
 que les derniers temps seront abregez
 en faueur des esleuz de son Pere. Que
 si apres ceste conionction à aduenir il
 nous en faut encores attendre vne au-
 tre, il seroit necessaire que huit cens
 ans s'escolassent encores deuant que
 ladiete conionction aduint. Mais de
 peur d'oublier la constitution de la pre-
 sente annee quant aux seditions, à l'ap-
 pareil de guerre, & à la mort de quel-
 quelques Seigneurs tant seculier que
 d'Eglise. Quand aux saisons de l'annee
 la plus part humide, à cause des pluyes
 cōtinuelles qui tōberont, les viures en-
 cheriront de beaucoup, les caues se de-
 borderont, tempestes s'esleueront en la

mer, naufrages d'hommes & desolations de quelques villes maritimes lesquelles periront.

pour l'Annee Mil cinq cens
quatre-vingts douze.

*Du regne Anglois l'indigne dechassé,
Le conseiller par ire mis à feu:
Ses adherans yron: si bas tracer,
Que le bastard sera demy receu.*



EST ANNEE tout au contraire nous amene vne chaleur & siccité presque insupportable, produit diverses impressions & visions en la moyenne region de l'air qui causera mort aux bestes, aussi nous menace de fieures chaudes & pestilentes mal de reims, inflammation de sang corrompu. Quelques appostats mettront le feu en certains lieux où la foudre du ciel y tombera. La fueur & violence d'un Prince Martial nous menace de beaucoup de troubles & de grandes &

motions de guerres, de sorte que plusieurs villes seront par luy affligees, les habitans d'icelles serrez en prison, & possible mis à mort par son cōmandement: Aduise hardiment à soy vne certaine Dame de grāde maison, de complexion Saturnienne, & vn Seigneur Iouial, lesquels tomberōt en grand hazard de leurs biens & de leur vie.

pour l'Annee mil cinq cens
quatre vingts-treze.

*Grande frayeur tombera sur le chef.
Du plus puissant, sang sera espandu:
En l'Orient y aura vn meschef,
Et de prison le bas sera rendu*

LA reuolution de ceste annee est fort dangereuse, pource qu'en la figure se trouue vne partie des Planettes situees en les deietions, vne autre partie qui occupent les lieux chauds au ciel, & toutesfois la conionction de Iupiter & de Venus.

laquelle toutefois ne nous peut estre grandement profitable. & pource que plusieurs effets desia mentionnez en la reuolution precedente nous sont signifiez variables, avec incertains bruits qui courent çà & là, plusieurs paquets surpris, grands dâgers par les chemins, inimiziez entre parens & amis, à cause de la lubricité Venerienne, où à raison de quelques richesses & thresors. Semblablement nous est promise vne assemblee de gens Ecclesiastiques & des Seigneurs des prouinces sur le faict de la Religion.

• Pour l'Annee Mil cinq cens quatre vingts-quatorze.

*L'on fait & dit, & la fureur d'un Prince,
 Sera grand cas, l'on fera des menées;
 De main en main, & vers vne Prouince,
 Qu'on doit plorer, chetront les destinees,*



V temps de ceste reuolutiō
 plusieurs maux viendront
 au monde, spécialement és
 Prouinces & Royaumes
 Occidentaux, car combien
 que ceste grande assemblee de Planet-
 tes qui se fera au mois d'Auril au signe
 du Moutō, semble bien tenir la main à
 toutes les significations, nous amenant
 beaucoup d'impressions brullantes en
 la plus haute region de l'air, vne ardeur
 intollerable, & quelques actions tragi-
 ques entre les Seigneurs de Germanie:
 Si est ce que toutes ces choses seua-
 nouiront dès leur cōmencement aussi
 sera par tyrannie le meurtrier misera-
 ble occis, qui pensoit demander pour
 vn meurtre grande recompense.

Pour l'Annee mil cinq cens qua- tre-vingts quinze.

*Mort & malade en la guerre & en paix,
 Et peste & fièvre aux isones & aux vieux:
 Et à la fin nostre Mars furieux.
 D'un stratageme ennoblira ses faits.*



Encore ceste année plusieurs maux tomberont le peuple d'Occident, desquels nous auons assez clairement discouru cy dessus. Mais outre lesdits Occidentaux, ceux aussi de Germanie & des Prouinces adiacentes s'ont menacez par la presente reuolution, nommément sur la fin de ceste année & sur le commencement de la future de plusieurs maladies, à sçauoir, dissenterie, calculs, retentions d'vrines, douleurs d'estomach, cathettes, obstructiōs de golier, & de gouttes. Le pays qui souloit estre en felicité, sera bien tourmenté, exilé, bruslé, ruyné, gasté, depopulé, vexé, de plusieurs afflictions.

Pour l'Année mil cinq cens quatre-vingts & seize.

*Cherté de moust & la belle Pomonne,
 Enfantera mille beaux fruits diuers:
 Belsal tombé & cheuse re'onne,
 Aux quatre coings de tout c'est vniuers.*



A R la presente reuolu-
 tion, la faim, ou la peste
 nous est signifiee, & outre
 laquelle plusieurs mala-
 dies ne nous manquerôt,
 comme vertigines de teste, colliques
 passions, flux de ventre, verouilles & au-
 tres infirmittez corrosiues, grand vents
 continuels s'elueuent, apres lesquels
 se mettront en ieu plusieurs troubles,
 impostures, il naistra vn Moustre, en
 ceste presente Annee qui sera de mer-
 ueilleuse hideur: lequel nous signi-
 fie plusieurs traitions, com-
 bien qu'en peu de temps quelques al-
 liez de d'ites traitions seront cogneuz,
 aussi aduendra plusieurs maladies, cõ-
 me fiures pestilentieuses, & peste en
 plusieurs citez, & principalement tout
 le pays de Languedoc, Prouence, &
 Dauphinẽ ne seront exempts, de d'ites
 maladies: cõmbien que les maladies ne
 serõt pas de longue duree, & de rechef
 naistra vn autre Moustre, lequel s'aparoi-
 stra es enuiron d'Italie & de Rome, le-
 quel signifie qu'ils seront tourmẽtez de
 terribles afflictions, & mesmes que des
 plus

plus grands du pays seront frappez de ladiète maladie estant à leur table & mourront subitement.

Pour l'Annee mil cinq cens quatre-vingts & dix-sept.

*Mauuais conseil en vne perte grande,
Et trahison causera grant mal-heu :
Celuy qui lors au; lns lieux lieu commande
Pour son bien fait en receura douieur.*



ESTE année participe aux effectz de la precedéte, & conuient en quelque chose avec elle. L'estat Ecclesiastique sera exposé à plusieurs dangers & persecutions, de sorte que diuers changemens aduendront tant es pollices qu'en ladiète religion. Vn certain Prince tatchera se ruer par force & violence en la Seigneurie d'autruy, & tatchera à s'en faire le maistre & possesseur. Il aduendra qu'un Prince Gauloys entreprendra grand voyage, duquel il reuiendra

C

en grand honneur & triomphe, & sera chanté victoire aux Gaulois. Il auendra que quelque grand personnage sera tué au commencement de ceste presente année ou bien sur la fin du mois de Septembre, ce qui causera vn grand trouble vers le pays d'Italie.

Pour l'Année mil cinq cens quatre-vingts & dix-huict.

*Sous le torral du globe Luvairé,
Lors que sera dominateur Mercure:
L'Est d'Escoffe sera vn luminaire,
Que les Anglois mettra à desconfiture.*

POUR CE que la benigne planette de Venus sera en la reuolution de ceste année nous signifie grande abondance de bestes venimeuses qui causeront la mort de plusieurs personnes qui mourront soudainement, & ne sçauront de quoy, quant au faict de la guerre il en sera quelque bruit. Il sera grande abondance de viures, tant pour

la nourriture de l'homme , que pour tous animaux , le vin sera a bon conte. L'Etat de la religion damnable (qui est est appellee d'aucuns pretendue reformee) lors se trouuera fort diminuee, & affoiblie : nonobstant cela, aucuns peuples dès l'heure se trouueront en ceſuy Climat de Frãce infideles & desloyaux enuers leurs Princes & Seigneurs , lesquels (combien qu'ils ayent regimēt de Iustice) ne seront attentifs qu'à se deceuoir l'vn l'autre, la plus part de ceux qui imagineront telles choses, se trouuerōt à leur grande confusion deceuz.

Ou sera l'endroiēt ou prierons Dieu eternal, & toute l'vnion celeste qu'il luy plaife nous preseruer de tant de prodigieuses calamitez que les Astres nous font apparoir.

Fin des Propheties de M. A.

Crespin Archidamus.

Extrait du Priuilege.

IL est permis à Gilles de S. Gilles, d'imprimer
ou faire Imprimer, par qui bon luy semble-
ra les Almanachs & Prognostications, & au-
tres demonstrations Mathematiques faicts &
composez, par M. A. Crespin Archidamus,
Astrologue du Roy, sans que nul autre les
puisse faire imprimer, vendre, ou distribuer,
sans le consentement dudit de S. Gilles, sur
peine de l'amandé, comme plus amplement
est contenu audit priuilege.



BAFFIN.

Ledit de S. Gilles a permis audit
Ménier, d'imprimer toutes & chacu-
nes les œures dudit Archidamus,
suyuant le priuilege à luy donné.

